



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

VIII. Die Aprilis.

**urn:nbn:de:hbz:466:1-9625**

## VIII. DIE APRILIS.

P. MAVRITIVS  
VINNAS.

Hispanus  
8. April. Cæ-  
saraugustæ.  
1558.

Charitas.  
n. 49.  
Mors.

Mors.

**M**ansæ natus matre piâ, & Ignatio Patri nostro ibi eximiâ pietate addictâ. In Societate Operarius per insignis maximè circa moribundos, & circa spiritualia exercitia enucleanda fuit. Primus in Collegio Cæsaraugustano migravit è vita; cuius Corpus, vt ait Societatis Historia, vnâ cum vestimentis illibatum post biennium, nec quicquam graue olens, nec vllâ violarum tæbe repertum est. Addunt Aragoniæ Proinciæ litteræ; illius cadauer cum sacrificiali veste deberet indui more confueto, & eleuaretur, in pedibus constitisse non minùs quàm si viueret, non sine admiratione spectantium.

P. THOMAS  
ZDELARICHIVS.

Croata  
Vilnæ. 8.  
April. 1572.  
ætat. 40.  
Soc. 18.

n. 200.

Obid.

**H**unc Societatis historia veterem Athletam, ingès Vilnensis Collegij columnen vocat, & de illo hæc addit. 6. idus Aprilis sanctè obdormiuit in Domino, dum tertid ea verba reperit. Domine Iesu, suscipe spiritum meum. Egerat vitæ circiter quadraginta annos, octodecim Societatis, omnium testimonio, ac nominatim Vaiseuitij, pietate præcellens, exempli probatissimi, filius obedientiæ, consolatio, & requies Superiorû: aded semper ad omnia, & paratum à voluntate, & structum à facultate reperiebant. Bonus idem sacro suggestui, bonus Tribunali pœnitentiæ, bonus clauo etiam Religioso. Multis verò, & modis, &

annis laudatus in Scholis, dum Latinas litteras, dum Græcas, dum Philosophiam in Austria profiteretur. Ex nostratibus linguis, Germanicam non ignorans, Vngaricam tenens, callens Illyricam, vt ortus in Zagrabienſi Diœcesi Drauum inter, ac Sauum.

P. LEON-  
RIQUEZ.

**E**gregio sanguine, virtute vsque ad eminentissimæ virtutis famam laudatus. Gauderet se rideri, quod esset pusillo corpore. Quendam cum iurantem audisset, positus humi genibus rogabat, ne id faceret, sed ille monitorem humi deiectam, & verbis, & pugnis, & calcibus malè affectit. At incredibili brachij dolore dicitur mox correptus, culpam agnouisse, ac Leone orante illicò planè conualuisse. Fama etiam fuit, dæmonem sua sibi habere iussisse, cum quo Nouitium clam colloqui deprehenderat, & quem vidisse quoque dicebatur sub cuiuspiam forma respondentem. Magna illi contra Dæmones vis fuit. Quidam properanter ad laqueum properabat, vitam sibi noctu erepturus. Huic Sacerdos paruulus in Ponte apparuit, illum à facinore absterruit, & Patrem Leonem adire iussit. Paruit desperatus ille; & Patre Leone accito, eundem fuisse qui sibi noctu apparuisset, agnouit, vitâ in meliorem penitus commutatâ. Henrico etiam infanti Cardinali ægro, & vigili, anno 1556. noctu apparuit; dolores cessaturos prædixit, consignauit, morbum repentè fugauit; idcirco Henricus Leonem sibi in

Lucanus  
Vlyssiponæ.  
8. April.  
1589.

Zelus.

Oratio.

Apparet  
vixent.

Con-



Calamitates.  
Euch.

Confessarium acciuit, & Societatem deinceps impensè amavit. Coram Sanctissimo Sacramento, pro auertendis calamitatibus oranti vox ex hostia allapsa est; Nequaquam, nequaquam! dimitte me, dimitte; nam castigabo, castigabo. Præclara illius obedientiæ, humilitatis, & aliarum Virtutum decora recenset eius vita in annum 1589.

Ira Dei.

P. ANTONIVS SARDUS.

Messanz.  
8. April  
1591. alijs 2.  
Iul.

Hunc hodie extinctum reperio in M.SS. Cæterum sic de illo annuæ Messanenses. Migravit in Cælum, uti speramus, P. Antonius Sardus senex innato candore animi, atque simplicitate dilectus Deo & hominibus. Illustris erat toto Regno ob insignè peritiam, & quendam quasi principatum artis Medicæ. Auduit à Christo, veni post me, faciam te fieri medicum animorum; quam vocem ita generosè complexus est, ut non modò se suaque animum, corpus, seruos, fortunas omnes; sed vniuersam propè familiam Deo deuouerit, filiam, & uxorem charam in primis adduxit, ut cupe- rent, & amplecterentur Monasterium Sacrarum Mulierum suo magno ære, maiore labore ædificatum. Ipse rarò exemplo Societatem ingressus, præmissis tribus liberis adolescentibus tantæ Indolis, quantam illorum præclarus exitus Confirmauit. Ut vno facto se multiplex holocaustum offerret

Peccato,  
Medicis.

Christo, illique non vno, sed pluribus animis seruiret, quem habiturus est æternum generis propagatorem in Cælo.

P. DOMINICVS PIERIVS.

Huius viri modestia singularis, in precibus assiduitas, religiosus ac suavis candor illi apud externos opinionem sanctimoniam fecit. Vnde passim *Boni Patris* nomine appellebatur. Nullam legum nostrarum læsit: paratus fuit semper obedenter annuere quicquid agere iuberetur; & promptus agere quicquid à quopiam rogabatur. Si quid contra se dictum audiret, dissimulanter ferebat; cum ipse de omnibus quàm optimè sentiret, ac loqueretur, sibi vni inclemens. Præter alia munia cum diligentia, fortitudinis charitatisque significatione insigni obita, longâ plus quàm quatuor ac triginta annorum in humanioribus disciplinis tradendis patientiâ operam diuinæ gloriæ nauauit, fructu eximio iuuentutis, in omnes eius officij partes studiosissimè intentus, etiam inter acerrimos dolores morborum, quibus identidem illum diuina bonitas exercebat. In delicijs illi erat si quid domi vile, atque abiectum esset in quo se exerceret. Rubricarum & sacrificij diuini & officij tum peritus erat eximie, tum obseruans: neque agebat quicquam quod non omni accuracione perficeret.

Belga Lu-  
xemburgi. 8.  
April. 157.  
ætat. 69.  
Soc. 48.

Charitas

Patientiam

Humilitate

